

Tusagassiorfinnut nalunaarut

Peqqinnissaqarfimmi corona-mik tunillatsissinnaaneq annertusisoq

Peqqissaasut Kattuffiannut (PK) peqqissaasut, qinnguartaasartullu sullivimmini toqqissisimangitsutut misigalutik ernumallutillu maanna saaffiginnittalersut amerlapput. Tamanna Namminersorlutik Oqartussat ulluni tallimani angerlarsimaannarnissaq pillugu maleruagassiaata suleqatitaaminnut atuutsineqannginneranik– taamaammallu tikinniariarlutik sulilersarnerannik patsiseqarpoq.

Peqqinnissaqarfimmi qullersat peqqissaasutullu pisortaausut, atorfinerlaanut angerlarsimaannarnissamut maleruagassanik avaqqutsinissamut immikkut akuersissuteqarsinnaanermut, Nunatsinni Nakorsaannermit periarfissinneqarput. Tamatumunnga atorfinerlaat Peqqinnissaqarfimmik ingerlatsinermi pinngitsoorneqarsinnaanngimmata sulisinnaanerisa inuiaqatigiinni ajornartorsiornermi nukissatut isigineqarnerat tunngavilersuutigineqarpoq.

PK-ip isumaa naapertorlugu Peqqinnissaqarfimmi qullersat atorfinerlaanut angerlarsimaannarnissamik atuutsitsinnginnerat arlalinnik patsiseqartumik annertuumik isornaateqarpoq;

- ! Siullertut Peqqinnissaqarfimmi sulisut allat tunillatsissinnaanerisa annertusinera naleqqutinngitsoq isumaqarpugut. Tassanngaanniillu nammineq ilaqqutanik tunillaasinnaanissaq annertusilluni.
- ! Aappassaattut uninngasut sanngiiffeqareersut tunillatsissinnaanerisa annertusinera ajornartorsiutitut annertuutut isigaarput. Isumarput naapertorlugu innuttaasut isumannaatsumik pineqarnissaannik ajoqusiineq akuerineqarsinnaanngilluinnarpoq.
- ! Pingajuattut isumarput naapertorlugu atorfinerlaat suleqatinut napparsimasunullu taniluutitsilersinnaasutut naapertuilluannngitsumik akisussaaffilernissaat kukkunerulluinnarpoq.
- ! Sisamaattut isumarput naapertorlugu kikkut tamarmik ulluni tallimani angerlarsimaannarallarnissaannut akisussaafik angisooq Peqqinnissaqarfimmi qullersat tigussavaat. PK-ip isumaa naapertorlugu akisussaaffimmik tigusineq, ersarilluinnartunik maleruagassiorneq aqutsisunullu ataasiakkaanut peqqinnissakkut ajunaarnersuaqarsinnaaneranut akisussaasuusussanut, akisussaaffiup tamatuma tunniutinnginnissaa Peqqinnissaqarfimmi qullersanut iliuusaassaaq tulluortoq.

Atorfinerlaat kisimik ulluni tallimani angerlarsimaannarnissaat apeqquserparput! Ass. feeriareernermi atorfeqavissunut ulluni tallimani angerlarsimaannartarnissaq piumasaaqaataavoq. Taama assigiinngisitsineq isumaliortaatsimut naleqqutinngilluinnarpoq isumatusarnerunanilu akuerineqarsinnaanngilaq Peqqinnissaqarfimmullu ilungersunartorsioreersumut ilungersortitsinerulerluni. Taamaammatt PK-ip taama assigiinngisitsineq isornartutut annertuumillu naapertuilluannngitsutut isumaqarfigaa.

Taamammatt sulilersussat tamarmik pinngitsoqaratik angerlarsimaannartitaanissaannik ullullu tallimassaanni coronamut misissortinnerup nassaarfiunnginneranut uppersaammik takutitsisinnaanissaannik, Peqqinnissaqarfimmi qullersat ingerlaannaq piumasaaqaateqarnissaattut, PK -mit

14. oktober 2020

isumaqarfigineqarpoq. Sulisut tamarmik tunillatsissinnaanermut sapinngisamik minnerpaaffissalimmi sulisinnaanissaannik kikkullu tamarmik – atorfeqavissut atorfinerlaallu – assigiimmik atugassinneqarnissaat PK-ip Peqqinnisaqarfimmi qullersanut piumasaqaatigaa.

Peqqissaasut Kattuffianni siulersuisut sinnerlugit,

Ken Jensen

Peqqissaasut Kattuffianni Siulittaasoq / Formand for Peqqissaasut Kattuffiat

Jagtvej 13. 1001
Postbox 670
3900 Nuuk